



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Sulpici[i] Severi Presbyteri Opera Omnia

Sulpicius <Severus>

Amstelodami, 1665

Manasses Rex Iudæ.

**urn:nbn:de:hbz:466:1-11490**

bus peractis, <sup>1</sup> nono & vigesimo imperii anno decessit: regnum <sup>2</sup> *Manasse* filio reliquit.

<sup>3</sup> XC. Is à patre multum degenerans, relicto Domino, <sup>4</sup> culturas impias exercuit: ob quod <sup>4</sup> in potestatem Assyriorum

decem sit umbra regressa, eo Soli decem fuerit horis opus in recedendo, ac alteris decem in remeando: quia fortasse linea illa, ut optime Tostato observatum, non horarum fuerint, sed semihorarum. Proinde non viginti horis dies illa longior solito, sed denis duntaxat. Imo quid si & quadrantes lineis fuerint signati? Sic quinque solum horis excesserit. Verum nec tantum opus largiri. Potuit & Sol decem esse lineis regressus, & dies tamen par spatio fuisse cæteris. Ut si, Dei jussu, Sol celerrime ad ortum, atque à prima linea mox ad decimam reciperat. Quam infirmo igitur tibicine nituntur, qui cum Procopio statuunt *διπλάσιον ἢ μέρους ἡνωμένου*, sive, ut apud B. Hieronymum legas, *perne duplicem factum diem*: cui & sententia, ut Varabulo monitum, favet R. Kimchi. Quid igitur de illis putabimus, qui etiam triplicatam lucem volunt? Quærat aliquis, si sacrum illud Persicum in memoriam Triplicis Mithræ non sit ab illustri illa die: unde igitur nomen hoc sortitum credamus. Dixero facilius esse, quid sit falsum, videre, quam verum perspicere. *Vossius*. Nihil in cœlestium corporum motu tum fuit immutatum, quod tres illæ Lunares & eclipses apud Ptolemaum circa hæc tempora factæ arguunt, quatum calculus, à nostris temporibus retro supputatus, idem nobis tempus exhibet, quod à Chaldæis fuit annotatum, perinde ac si nullus ejusmodi retrogræus Solis motus omnino intervenisset. *Vsser*. Hujus miraculi causa missi à Rege Babyloniorum ad Ezechiam legati. *Esa. 39*. Nomen illi *Merodach Baladan*. Qui sunt *Mardokempad*, *Nabonassari* filius. *Scaliger*.

\* *Meruit*.] Mereri apud veteres Latinos Patres, significat aliquid impetrare & obtinere, etiam sine merito nostro.

Exempla passim extant apud Cyprianum, Ambrosium, Hieronymum, Augustinum. Et celebre illud Gregorii; *O felix culpa, quæ tantum merui habere redemptorem*. *Perkins*.

<sup>1</sup> *Nono & vigesimo imperii anno*.] Verum id *IV Regum 18. vs. 2*. si biennium illud quo cum patre Achazo regnavit, includas. Solus nonnisi *xxvii*. annos. Nam cœpit regnare anno tertio regni Hoesæ, non liberi vel usurpati, sed tributarii & confirmati. Unde tamen illius initium incidat in quartum Achazi, istius tamen incidit in duodecimum saltem Achazi. Sic annus tertius Hoesæ est quidem septimus Achazi, sed annus tertius regni liberi non tributarii. Ezechias vero regnare cœpit anno tertio Hoesæ tributarii, non liberi. *Spanhemius*.

<sup>2</sup> *Manasse*.] Qui duodecim annorum *IV Reg. 21. II Paral. 33. Joseph. 10. 3*. Sanguinarium ingenium, Cæli Caligulæ & Neronis non dissimile. *Grot.* Vide & Autorem Imperf. *Homil. 1. in Matth.* Fuit Judæis, quod Achas Israëlitis fuerat. *Sigon*.

<sup>3</sup> *Culturas impias exercuit*.] Instauravit excelsa, quæ demolitus fuerat Ezechias pater ejus: constituitque aras Baalim, & fecit lucos, & adoravit omnem militiam cœli, & coluit eam. Edificavit quoque altaria in Domo Domini cuncto exercitui cœli, transireque fecit filios suos per ignem: observabat somnia, auguria sectabatur, maleficis artibus inserviebat, sculprile quoque & constabile signum posuit in domo Domini. *II Paral. 31*.

<sup>4</sup> *In potestatem Assyriorum traditus*.] *II Paralip. 34. vs. 11. Τῶν Βαβυλωνίων καὶ Χαλδαίων βασιλέως. Joseph.* Abductus tamen fuit Babylonem. Ergo vel Assyrii sub Babyloniis, vel Babyloniis

riorum traditus, <sup>1</sup> malo coactus, <sup>2</sup> agnovit errorem, populumque adhortatus est, *uti* <sup>3</sup> *relictis idolis, Dominum colerent.* <sup>4</sup> Nihil sane dignum memoria gessit, regnavit autem annos v. & l. <sup>5</sup> *Amon* deinde filius ejus regnum adeptus est, <sup>3</sup> nec ultra biennium eo potitus est, <sup>6</sup> paternæ impietatis hæres, *Domini negligens*, <sup>7</sup> suorum insidiis circumventus periit.

XCI. Ad

nii sub Assyriis. Quæ mutatio paulo antefacta: cum Merodach Baladan Ezechia ultimis annis regnarit. Quoniam vero exertim vocatur Assyriorum Rex, vix dubito quin alius fuerit à Merodach Baladan, sive Mardokempade. Nam Scriptura accurate regnum Assyrium & Babylonicum distinguit. Deinde in Ptolemæi Canone per xii. annos nulli Babyloniæ reges. Ex quo apparet destructum iterum ab Assyriis fuisse, sive Aserhaddon Rex, sive alius fuerit.

Horn.

<sup>1</sup> *Malo coactus.*] Manassi in carcere dabatur parvus panis ex fursuribus, parvo & pondere & parva mensura aquæ cum aceto, ut viveret, ajunt quidam Codices Græci 11 Paralipom. 33. & Auctor Imperfecti operis in Matthæum Homilia 1. Clemens 11. Const. cap. 22.

<sup>2</sup> *Agnovit errorem.*] Εἰδὼς ὅτι ὁ θεὸς ὠργισθεὶς αὐτῷ φιλήνθρωπον καὶ ἐλεήμονα τὸν πόλεμον. καὶ ἐξῆς τὸ ἱκεσίας ἐπακράσας ὁ θεὸς αὐτῷ. Καὶ πάλιν εἰς τὴν οἰκίαν ὁ Μανασσῆς δούλους ἑαυτοῦ Βαβυλωνίων βασιλέως ἀνασῶζει. Joseph. Oratio ejus exstat pia & proba, sed non habens auctoritatem Canonica Scripturæ. Estius.

<sup>3</sup> *Relictis Idolis dominum colerent.*] Dedit operam si posset abolere priorum peccatorum etiam memoriam, mutatis moribus totus conversus ad Religionis studia. Nam & urbem iustravit, & templum consecravit denuo, & in reliquum totus fuit in eo, ut gratitudinem Deo posset approbare, ejusque retinere

benevolentiam. Idem facere populum quoque docuit, memor in quale incidisset infortunium, ob perperam administratam Rempublicam. Α' μέγιστος δὲ τῆς ἀρετῆς πάντων μετὰ βολῆς χρησιμότητος, ἔταυτο ἡ μεταξὺ δὴ γε βίον, ὡς μακάριος εἶναι, καὶ ζηλωτὸς αἰεὶ τῶν θεῶν λογισμῶν, ἀφ' ὧν τὸ θεὸν δούσεσθαι ἤρξατο. Joseph.

<sup>4</sup> *Nihil sane dignum memoria gessit.*] Frigide. Vix ullus Regum adeo & projecte impius & sincere conversus fuit. Recenset autem Iosephus opera ejus pro Republica gesta, cum in regnum postliminio restitutus fuisset. Nam moenia reparavit, & altissimis exornavit ac communivit turribus. Horn. Sepeliri voluit in horto, quod malis factis meritis esset extra Regum sepulchra poni. Grotius. Vel quod ibi Mausoleum struxisset. A Lapide.

<sup>5</sup> *Amon deinde.*] 11 Reg. cap. 21. 11 Chronic. cap. 33. Josephus 10. 4.

<sup>6</sup> *Paternæ impietatis hæres.*] Μιμησάμενος τὰ τῶν πατρῶν ἔργα, ὡς νεὸς ὢν αἰεὶ ἐτόλμησεν. Joseph. Addit Glycas eum dixisse: Pater meus à puero multa scelera fecit, ac in senecta poenitentiam egit. Quare & ego, in hac ætate, pro animi libidine me geram, ac deinceps ad Dominum me convertam. Sic & apud Pseudo-Clementem 11 Constitut. Apostol. 23.

<sup>7</sup> *Suorum insidiis circumventus periit.*] Ἐπιβουλεύεις ὑποδύσαντες οἰκιστῶν ἀπέθανεν, βιάσας ἔτη πέντε αὐτοῦ, καὶ ἐκγόσσι, βασιλεύσας δὲ ἐξ αὐτῶν, ἔτη δύο. Josephus.

1 Ad